



Avannaata Kommuniani ulluunerani neqeroorutiniittunik pilersuisut akiliisarnissaannik malittarisassat

Meeqqanut suli atualingitsunut perorsaaniikkut inerikkiartuutaasumik ulluunerani neqeroorutitut akiliuteqartarneq pillugu Namminersorlutik Oqartussat nalunaarutaat nr. 3, 4. februar 2011-imeersoq naapertorlugu


(Malittarisassat pilersuisunut inissamik tunisilluni allakkatigut nalunaarutiginninnermut ilanngullugit tunniunneqartassapput)

- **Isertitat uppersaataatut immersugassaq** isernermi allakkanut ilanngullugu nassiuunneqartoq, immersorneqareerpat najukkami utertinneqassaaq, tassani akiliutissaq aalajangerneqassaaq. Immersugaq utertinneqarsimatinnagu akiliutissat qaffasinnerpaaffia atorlugu akilersuisoqassasoq aalajangertoqarsinnaavoq. (§ 11, imk. 3)
- **Isertitat uppersaataatut immersugaq** meeqqap pilersuisorpiaanit **atsiorneqassaaq**. (§ 5)
- Illugikkimmik pilersuisut ukiumi akileraaruseriffiusumi kingullermi **isertitaat tamarmiusut** tunngavigalugit akiliutissat aalajangersarneqassapput (§9).
- **Nunani allanit nuuttut ilinniartullu** maassakkut isertitaat najoqqutaralugit akiliutissat aalajangersarneqassapput (§10).
- **Nunani allani ilinniagaqarsimasut Namminersorlutillu Oqartussanit tapiiffigineqartartut** ukiumi akileraaruseriffiusumi kingullermi isertitaat tamarmiusut tunngavigalugit akiliutissat aalajangersarneqassapput.
- Pilersuisut isertitaat assigiinngiaartut najoqqutaralugit **akilertagassat aalajangersorneqartarput** aamma meeqqap ulluunerani neqeroorummi aallarinnerani, allangortoqarataarnerani decemberillu qaammataani allangortinneqarsinnaasarput.
- **Ulluunerani paaqqinnittarfimmiititsineq/ angerlarsimaffimmi paarsisartumiititsineq siumoortumik qaammatip aallartinnerani akilernerqareertartussaavoq** aamma PBS aqutugalugu, immersugassatut ilanngussap immersorneqareerpera kingorna, akiliisoqarsinnaalluni, Netbank aqutugalugu akiliisoqarsinnaalluni, Sullissivimmi allakkerisarfimmiluunniit akiliisoqarsinnaalluni.
- Pilersuisut PBS aqutugalugu isumaqatigiissusiorsimanngitsut **akiligassanik qaammammoortumik** nassinneqartassapput.
- Pilersuisut illoqarfimmi allami sulillutik sungiusariartut atuariartortulluunniit kisimik **ulluunerani neqeroorutini inissamik attartorsinnaapput** aamma kommunerisami ulluunerani neqeroorutitut akilersuisoqaannassaaq. Kommunerisap kommunimi najorallakkami (sulilluni sungiusariartorfimmi atuariartorfimmiluunniit) meeqqap ulluunerani neqeroorummiittarnerani ingerlatsinermut aningaasartuutit tamaasa akilertassavai.
- **Isertitat ataavartumik allangorneri** pilersuisup namineerluni ilisimatitsissutigissavai najukkami sullissivimmi isertitat nalunaarsuiffiat nutaaq immersorlugu aningaasarsiallu allagartai pingasut kingulliit assingi ilanngullugit tunniunneqassapput. Ataavartumik allannguutit tassapput: Ilinniagaqalerneq, pilersuisut amerlassusiisa allangorneri aamma innarluteqalerneq. ataavartumik allangortoqartillugu qaammatip ulluisani quliaganni kingusinnerpaamik nalunaarutiginnittoqartassaaq, taamaalilluni qaammatip tulliani allannguut atuutilersinneqarsinnaassaaq. Suliffissaaleqineq ataavartumik allannguutitut isigineqarneq ajorpoq.
-
-



- **Akiligassanik kinguaattoornerit:** Pilersuisoq allakkatigut eqqaasitsinerit kingorna akiitsut akilersornissaannik isumaqatigiissusiorsimangippat, meeraq ulluunerani neqeroorummit anisinneqassaaq. (§12 aamma § 13)
- Akiligassat pillugit **apeqqutit** najukkami sullissivimmut, akinik aalajangersaasartumut, saaffiginnissutigineqartassapput.

Ulloq ^{16/4} 2018 akuerineqarpoq



Ele Marie Ravnshøj Johansen
Ull. neqer., kulturimut sunngif., fagchefe
Avannaata Kommunia



Hans Eriksen

Peroriartortitsinerimut Direktør-i
Avannaata Kommunia